

Solana d.d. Tuzla
-Skupština Društva-
Broj: 01-01-1491/24
Tuzla, 05.07.2024. godine

Na osnovu člana 234. tačka e) Zakona o privrednim društvima F BiH („Sl. novine F BiH“, broj: 81/15 i 75/21) i člana 100. tačka 5. Statuta Solana d.d. Tuzla, a u vezi sa Prijedlogom odluke Nadzornog odbora Solana d.d. Tuzla broj: 02-02-1364/24 od 12.06.2024. godine, 32. redovna Skupština dioničara Dioničkog društva Solana Tuzla, dana 05.07.2024. godine, donosi

O D L U K U

o isplati dividende

Član 1.

Dio dobiti Solana d.d. Tuzla ostvarene po osnovu Godišnjeg izvještaja o poslovanju Solana d.d. Tuzla za 2023. godinu, u iznosu od 3.037.674 KM, isplatit će se na ime dividende dioničarima, što iznosi 6,00 KM po dionici.

Član 2.

Dividenda iz člana 1. ove Odluke biće isplaćena dioničarima koji su na dan donošenja ove Odluke bili registrovani u svojstvu dioničara Društva kod Registra vrijednosnih papira u Federaciji Bosne i Hercegovine.

Društvo može isplatiti dividendu jer je Društvo sposobno izvršavati obaveze iz poslovanja i tržišna vrijednost imovine je najmanje jednaka iznosu ukupnih godišnjih obaveza Društva.

Član 3.

Dioničarima iz člana 2. ove Odluke dividenda će se uplatiti na njihove bankovne račune, o čemu su dioničari dužni u pisanoj formi dostaviti Društvu neophodne upute za isplatu dividende (broj računa i naziv banke), zajedno sa ličnim/osobnim podacima i kopijom važeće lične isprave o identifikaciji dioničara za fizička lica.

Član 4.

Pored podataka iz prethodnog člana 3., dioničari domaći pravni subjekti dužni su dostaviti aktuelni izvod iz nadležnog Sudskog registra ne stariji od 3 (tri) mjeseca u originalu ili u kopiji ovjerenj od strane nadležnog organa ili notara.

Član 5.

Dioničari–strani pravni subjekti dužni su dostaviti aktuelni izvod/certifikat, ili drugi adekvatan dokument iz koga je vidljiva njihova aktuelna registracija i osobe ovlaštene za zastupanje–zakonski zastupnici, koji mora biti izdat od strane nadležnog poslovnog registra trgovačkih društava/kompanija domicilne države ne stariji od 3 (tri) mjeseca, u originalu sa nadovjerom nadležnog organa domicilne države–Apostilom („Apostille“) ili u kopiji također ovjerenj od strane notara sa nadovjerom nadležnog državnog organa–Apostilom („Apostille“).

Ako domicilna država dioničara stranog pravnog subjekta nije potpisnik Haške konvencije iz 1961. godine („Konvencija o ukidanju potrebe legalizacije stranih javnih isprava, Hag 5. oktobra 1961. godine“ – eng. „The Hague Convention Abolishing the Requirement for Legalisation for Foreign Public Documents“- the „Apostille convention“, ili skraćeno: „Apostille treaty“) neophodno je da bilo koji dokument naveden u stavu (1) ovog člana sadrži potvrdu o punoj legalizaciji isprava izdatu od strane nadležnog državnog organa domicilne države u skladu sa relevantnom domicilnom regulativom.

Na zahtjev domaćih poslovnih banaka dioničari strani pravni subjekti dužni su prije isplate dividende, dostaviti i sve druge dokaze odnosno isprave u originalu ili ovjerenoj kopiji, koji na zahtjev poslovne banke moraju biti nadovjereni ili legalizirani kako je to predviđeno u stavu (1) ili (2) ovog člana.

Član 6.

Ukoliko dioničari dionice čuvaju putem skrbničkih računa dividendu naplaćuju putem banke skrbnika uz obavezu dostavljanja originalnih potvrda od strane banke skrbnika o količini dionica u vlasništvu na datum donošenja Odluke o isplati dividende.

Član 7.


Društvo će isplatiti dividendu u roku od 12 mjeseci od prijema potpunih pisanih informacija i isprava navedenih u članu 2., 3., 4., 5. i 6. ove Odluke.

Član 8.

Obavještenje o isplati dividende će se objaviti u jednom dnevnom listu koji izlazi u Federaciji Bosne i Hercegovine i na web stranici Društva i Sarajevske berze (SASE), u roku od 5 radnih dana od dana donošenja Odluke o isplati dividende.

Član 9.

Odluka stupa na snagu danom donošenja.

Predsjednik
32. redovne Skupštine


Zlata Valjevac

